

مکتبہ اسلامیہ

ادبی و سیاسی رسالہ اسبوعیہ در ❀

۳۱ نجی سنہ

۲۷ جمادی الاخری ۱۳۳۰

❀ پچشمبہ ❀

جلد : ۱۴ - جزو : ۱۵۰

ناپوليون بوناپارته اقبال منتخبه سی

(مابعد عن جزؤ ۱۴۸)

انسان کندیخی تحقیر ایدنلره عفو ایله مقابله ایتکله آنلرک بک چوق فوقه
چیمش اولور .



نانکورلک بئم نظرمدن نقائص اخلاقیه نك اڭ بیوکیدر .



دوامی بر فدا کارلق قدر نادر بر شی بولنه ماز .



ناموسه آچیلان یارملر هیچ بروقت شفایاب اولماز . چونکه آنک تاثیر
معنویسی بک مدهشدر .



فضائل بشریه نك اڭ نادری دوامی فدا کارلق و مربوطیتدر .



جاهل بر آدم عین زمانده خودیین و عزت نفس صاحبی اولورسه آنک
ایقاع ایدم جکی خطیثاته حد و غایه تصور اولنه ماز .



ناموسه آچیلان جرمیملر التیام ناپذیردر . چونکه آنلرک تاثیر معنویسی
مدهشدر .



انسانلرک تلف نفس ایتمک حقلری وارمیدر ؟ اکر وفاتلرندن طولای
کیسه بی متضرر ایتمه جکلر سه و حیات کندیلرینی بار آلام و مصائبی آلتده
ازیورسه شهسز حقلری واردر .



اڭ بیوک قهرمانلق . حیاتک غموم و اکدارینه صبورانه تحمل ایدم .
میلکدر .



نوع بی بشر . هروجهله لایق تقدیر و تبجیل ایکی بیوک فضیله مالکدر . که
اوده ارککلرده جسارت . قادینلرده عفتدر .



عشقده یکانه مظفریت اختیار رجعتدر .



عشق . ایشسر آدملرک مدار اشتغالی ، رجال عسکریه نک کچیمی اکلجهسی ،
حکمدارلرک ایسه اڭ تهلیکلی مشغله سیدر .



بز غریبلر ، قادینلرک نه اولدیغنی آڭلامقدن عاجز ؛ آنک ایچون
قادینلری ، پک حقسنز اوله رق . عادتاً کندیمزله هم مرتبه بره موقعه اصعاده
ایدیوروز . شرق اقوامی ایسه بو خصوصده دها مصیب . دها عاقلانه صورتده
دوشونهرک قادینلری . ارککلرک نوعاً مالی . ملکی اولق اوزره تلقی و قبول
ایتمشلردر .

حقیقت حالدهده طبیعت ، نسوانی بزه اسیر یایمشدر . بعض قادینلرک
ارککلری تحت حکم و نفوذلرینه آملری ایسه صرف اق ارککلرک نقصان ادراک
و محاکمه لرندندر . اکثریتله قادینلر ، کندیلرینه بر بخشایش خلقت اولان حسن
و آتی سؤ استعمال ایدرک بزی مفتون و مجلوب ایلرلر ؛ و بصورتله عنان اداره مزری

الدرینه آیرلر . ارککلره حسیات و افعال حسنه تلقین ایدن بر قادینه مقابل . یوزدانه قادین بالعکس یولسز و محاکمه سز ایشلر کوردیرلر . قادین ارککه ، آنجق چوجق وجوده کتیرمک ایچون ویرلمشدر ؛ حالبوکه برتک قادین بومقصدک حصولنی تأمینه کفایت ایتمز . مثلاً بر قادین ، چوجغنی ارضاع ایتدیکی وقت ، خسته بولندیغنی زمان زوجه لک وظیفه سنی ایفا ایدمز . هله تناسلک حدّ انقطاعنی بولان بر قادین ، قادیلقدن بسبتون چیقمش دیمکدر . حالبوکه طبیعت ، ارککلری کرک سن اعتباریله دوچار عقامت اولمقدن و کرک سائر محاذیردن وارسته قیلشدر . بناء علیه هر بر ارککک بر قاق زوجه سی اولمق لازم گیر .

اساساً قادیلر نه دن طولایی شکایت ایدیورلر ؟ کندیلرینک بر جانی ، بر روحی اولدیغنی قبول ایتمیورمی یز ؟ حالبوکه بعض فلاسفه بو خصوصی تصدیقه استغنا ایتدکلری کورلمشدر .

قادیلر بزم ایله مساوات طلبنده می بولنیورلر ؟ فقط بو بر نوع دلیلکدر . قادیلر بزم تحت تصرفزده در ، بزیسه آنلرک تحت تصرفده دکلز . چونکه قادیلر بزمه چوجق وجوده کتیریورلر . حالبوکه بزم آنلره ایله بر شی ویردیکمز یوق . بناء علیه بر میوملی آغاج نصل باغچوانک مالی ایسه قادیلرده ایله چه بزم مالمز ، ملکمز اولمق اقتضا ایدر .

برده ارکک زوجه سنه قارشى عدم صداقتده بولنه جق اولورسه ، بونی اعتراف ایله اظهار ندامت ایدنجه آرتق آندن بر اثر قالماز . قادین اولاً قزار ، کورلتی ایدر ، صکره عفو ایلیه رک باریشیر . چوق دفعه ده بواشیده قازانمش اولور . حالبوکه قادینک عدم صداقتی بوگا بکزه مز . قادینده قصورینی اعتراف ایتسون ، ایتدیکی قدر اظهار ندامت ایتسون ، فقط اوعدم صداقت یوزندن بر اثر قلبه جغنی کیم ادعا ایلیه بیلور ؟ و بویله بر اثر قالدینی وقت آندن متولد فنالغک تعمیری قایلیدر ؟ ایشته شو مثال ، طبیعتک ، فطرتک قادیلری ارککلره مساوی بر حالده بولندیرمدیغنی واضحاً اثبات ایدیور . بناء علیه آنجق عقل و محاکمه دن محروم ، تحصیل گورمامش ، افکار عادیه صاحبی قادیلرده ، که کندیلرینی زوجه لریله

عین مرتبه‌ده عد ایدرلر . اساساً ارککلرله قادیسلر آرمه‌سندمه‌کی بوفرک طبیعیده حیثیتشکن بر جهته‌ده یوقدر . هر فرد بشرک بر طاقم اوصافی اولور ، آکا مقابله‌ده کندیسنه بعض وظائف ترتب ایدر . قادیسلرک اوصاف و مزایای ایه ، حسن و آن جاذبه و لطافتدر . وظیفه‌لرینه کانجه اوده انقیاد و مطاوعتدر . (۱)



کوزل بر قادینی کوز بکنیر ، ای بر قادینی ایه قلب تقدیر ایدر . اولکیسی بر مجوهر ، اینکنجیسی بر حزینه‌در .



نیجه ارککلر وارددرکه صرف قادیسلره قارشی عجز وضعفسلرندن طولانی قباحلی اولمشلردر .



قادیسلر فالغه میل ایتدکبری وقت ، ارککلردن دهافنا اولورلر و جنایت ارتکابسه دهافزایده میل ایدرلر . قادیسلرک اوصاف ممیزه‌لری حلم و ملایمت ، رقت و نزاهت اولمقله برابر ، بر کره اخلاقلری بوزلدیمی افراط درجه‌ده تابع سیئات اولورلر . والحاصل قادیسلرک همان جمله‌سی ارککلردن یاجوق ایدرلر و یاخود چوق فنادرلر .

(مابعدی وار)

